



Broj:
Sarajevo, 27.06.2022. godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r predsjedavajućeg, g. Nebojša Radmanović

PRIMLJENO:	27-06-2022		
Organizaciona jedinica	Klasifikaciona oznaka	Redni broj	Broj priloga
01-50-1-1016/22			

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), podnosim

POSLANIČKU INICIJATIVU

kojom Predstavnički dom Parlamentarne skupštine Bosne i Hercegovine zadužuje Vijeće ministara Bosne i Hercegovine da, u što kraćem roku, donese Odluku o privremenoj suspenziji carinskih stopa kod uvoza robe i to za sljedeću robu: eurodizel, lož ulje, benzin BMB 95 i benzin MB 98.

Obrazloženje

Oporavak tržišta u postpandemijskom periodu, rastuća inflacija i ratno stanje u Ukrajini za posljedicu imaju enormna poskupljenja nafte i naftnih derivata, što lančano uzrokuje poskupljenja drugih proizvoda, te ima negativne efekte po kompletnu ekonomiju. U situaciji kada imamo tzv. stagflaciju, ekonomija stagnira, inflacija raste, a plate, penzije i druga primanja ne mogu pratiti takve trendove što za posljedicu ima siromaštvo i direktno smanjenje životnog standarda građana. U ovakvim situacijama, posebno imajući u vidu najavu globalne recesije, država mora djelovati proaktivno i donositi mjere koje bi trebale olakšati stanovništvu prevazilaženje ove situacije. Nažalost, nadležni organi vlasti u BiH nisu uradili skoro ništa u ovom smislu, te svakodnevno svjedočimo novim poskupljenjima.

Zbog toga je važno da Vijeće ministara BiH, bez odlaganja, realizira ovu inicijativu i donese predmetnu Odluku, jer oslobađanje navedenih roba od carinskih stopa za uvoz robe u skladu sa važećim Zakonom o carinskoj tarifi BiH („Službeni glasnik BiH“, broj 58/12), sasvim sigurno dovelo bi do smanjenja cijena nafte i naftnih derivata u BiH i to za najmanje 10% koliko iznosi važeća carina za navedenu robu. U tom slučaju bi mogli bez ikakvih ograničenja uvoziti naftu i naftne derivate i iz drugih zemalja sa kojima nemamo zaključene sporazume o slobodnoj trgovini, što bi za posljedicu imalo povećanje konkurencije i manje cijene. Naravno, i dalje je neophodno raditi i na drugim mjerama borbe protiv negativnih efekata inflacije, ali prednost ovakve Odluke je to što se može donijeti relativno brzo i početi primjenjivati već od narednog mjeseca. Zbog toga je i predloženo njeno privremeno važenje, jer je potrebno kontinuirano pratiti stanje na tržištu i donositi adekvatne odluke u najboljem interesu građana.

Dr. Denis Zvizdić